

咸淳重修毗陵志

重修毗陵志卷第二十一

詞翰

記

宜興周將軍廟記

徐鍇

君字子隱義興陽羨人晉鄱陽太守鮒之子少而跡
馳任俠自處不護細行鄉人以為暴焉嘗感父老之
言以南山之虎長橋之蛟并已為三害於是入山殺
獸既而搏蛟浮沉三日竟斷之而出初里人以為君
之沒也室家相慶既出始知人患已之深也乃入吳

尋立陸而師之學成義立以忠烈自處暮年而府
交辟嗟夫觀過知仁則向之所爲非巨惡矣吳末爲
無難督及主渾平吳置酒高會調吳人曰諸君巨國
之餘得無戚乎君對曰漢室分崩三方鼎足魏滅於
前吳亡於後巨國之戚豈獨一吳渾有慙色荆楚之
烈氣凌太原兵滅之餘折而不撓又爲廣平太守積
紀滯訟決之一朝君之果也於從政乎何有毋疾罷
歸爲楚史徵拜散騎常侍君曰古人不辭大不辭小
乃先之楚化行俗易然後從徵及居近侍多所規諫

遷御史中丞糾劾不避寵戚梁王彤違法君深文按
之齊萬年反權臣惡君之強直以君討之移孝於君
有死無二賊策之曰周君才兼文武若專斷而來不
可當也如受制於人此成擒耳嗚呼盜有道焉其知
之矣及六陌之役梁王爲帥軍又未食彤促令進而
絕其後繼君自知必敗賦詩曰去去世事已策馬觀
西戎藜藿甘梁叅期之克令終言畢而戰自旦至莫
斬首萬計弦絕矢盡而援不至左右勸之退君以爲
鑿門而出義不旋踵遂戰歿焉夫梁王以宗戚之貴

義兼家邦非不知良材爲國之所憑蓋利欲之誘深而愛國之情淺也而况悠悠羣品安足言乎由是而言君之所按非深文矣夫姦臣之於直士其不合有三佞直不同嗜好亦異一也邪正相形才望相絕雖欲企尚不能効之撫心內愧遂成讎惡二也以小人之性度君子之心以爲善人之進必來排已三也有此三者至於反兵賢人旣殞遂及於國夫剖巢破卵鳳凰不翔殺犖殞犢聖人亦逝將軍旣歿此西晉之所以淪胥也二子繼德此東晉之所以光啓也君旣

陰陽鄉里稱之又嘗著陽羨風土記則精靈所遊留
所有在矣錯以癸亥奉詔爲祠巨東禱山嶽歷將軍
之廟頌想先賢之高風周旋徜徉欲去不忍唯君之
見危授命當官必理雖百代之王者願以爲臣焉郡
縣旣以時致祠敢即其圖像而爲頌曰深山大澤實
生龍蛇左湖右瀆君子之家烈烈周君國之爪牙梁
摧國圯圯也如何越在童叢所游非類見害則遷過
而無遂眈眈白額擇肉朱殷矯矯長蛟瀆沫飛涎推
斑碎掌闊草丹川無文竭行不與將落果足時彥見

機而作學成德備敷我正庭所居成政所歷傳名敏
而應敵正以持亦既霜臺糾斯強禦自親及䟽何
吐何茹翩翩權倖假國之威妬賢醜正言遂其私取
彼賢人委之豺虎君實致身曾無二慮恭聞仙誥唯
忠是與仰料將軍解形而去遼東千歲歸鶴來翔感
加四海魂魄還鄉矧茲蘋藻在渚之陽斯之曷補德
實無疆

算興長橋記

昔人作川梁以濟不通舟車所及纏連棋布若乃

勝傑大名聞天下者亦無幾陽羨其一也夫英賢之所踵次邑居之所瞻望山川之精粹宅焉里域之神靈憑焉廢而興之絕而續之豈惟備政足以徼福是橋也徵之譜牒則後漢邑令袁君所造國朝永泰中令丘君新之其他無聞焉中興之初有義夫吳蒙吳須率以私帑備加營構人賴其利越三十載甲寅歲國步中梗于越寇邑人敗之燒營而遁飛焰旁及宏梁木摧甲寅歲著作佐郎劉君來爲邑長視其制度知非民力之所能濟乃狀其事白于有司上聞嘉之

詔賜錢八十萬君信而好古寬而得衆政是以和事
無不舉乃相與敷王澤因民心備物致用程功揆曰
器利工善材良事成戊辰歲冬而載明年暮春而畢
長五十步廣七步對縣樓而立出跨荆溪而橫絕丹
隄其飾紛偃蹇而虹舒崇高其軌邈宕堯而山立朱
輪方軌駟馬連騎營營市井憧憧往來有枉席之安
無揭厲之患昔者乘車濟涉聖人以爲難橋梁不脩
宣父知其弗能以古方今勝負分矣書之考績傳載
異代庸庸善善其可廢乎刻之貞珉以示來者庶不

歲春二月十五日記

宜興縣學記

朱熹

紹熙五年十二月宜興縣新修學成明年知縣事承
謬卽括蒼高君商老以書來請記而其學之師生迪
功卽孫庭詢貢士邵機等數十人又疏其事以來告
曰吾邑之學久廢不治自今明府之來卽有意焉而
縣負不能遽給以其費乃稍葺其所甚敝亟補其所
甚闕且籍閒田五千畝以豐其廩庀長橋僦金七十
餘萬以裨益之爲置師弟子員課試如法而又日往

遊焉躬爲講說開之以道德性命之旨博之以詩書
禮樂之文使其知士之所以學蓋有卓然科舉文字
之外者於是縣人學子知所向慕至於里居士大夫
之賢者亦攜子弟來聽席下無不更相告語相勉勵
而自恨其聞之之晚也退而相與出捐金齋以佐其
役合公私之力得錢幾七百萬而學內外煥然一新
堂涂門廡靡不嚴備象設禮樂皆應圖法蓋高君之
於是學非獨其經理興築之緒爲可書而其所以教
者則非今世之爲吏者所能及而邑之人才風俗實

亦未嘗不善也然考之於古則三登太平之世不常有而驗之於今則常平者獨其法令簿書筭鑰之僅存耳是何也蓋無人以守之則法爲徒法而不能以自行也而況於所謂社倉者聚可食之物於鄉井荒閒之處而主之不以任職之吏馭之不以流徙之刑苟非常得聰明仁愛之令如高君又得忠信明察之士如今日之數公者相與并心一力以謹其出內而杜其姦欺則其法之難守不待它日而見之矣此又予之所身試者故并書之以告後之君子云慶元元

年三月庚午既望朱熹記

宜興嘉定修學記

葉適

戴君楠宰宜興既補弟子貢食於學視學舍壯整者
惟高君商老敬止堂羅令仲舒東序堂亦傾敝餘或
闕或毀顧其士陳夢印章悉夫買旁縣材棟優工作
疊二年復修廟堂設大門門左右挾前崇門櫺對立
西序宗子小學凡職列之次故所無皆具然後俾沈
夢龍來言曰噫可記矣荆溪禹貢中江也渚汭澄澈
雲木縈帶君山最雄秀鑿洞木怪偉蓋自楚漢爲東

南稱首近蘇公去萬里蜀周覽天下擇陽羨而居其
跡展陬麗兼之矣方周孝侯童騃肆暴至此異物一
旦感激殺虎斬蛟從陸士衡兄弟前死不卻顧大節
尚生存或疑非地力之勁挺不能也熙寧更用經義
士初昧溺於時開封禮部有二邵集英親策有余選
皆盛一京師之大四海之廣一邑而擅魁時者三或
疑非地稟之文華不能也夫發於勁挺孰若納於中
和年其文辭孰若厚其根本根本學也中和道也安
能與哉闕黨五鄉地耻其人也魯多儒衛多君子人

美其地也。今夫臣之翹材穎質將進於道，必約以性道，以心肝脾腎無恣其情，念慮思索無撓其靈，則偏氣不勝而中和全矣。沒深於學，必測之古證之今，上該千古，旁括百家，異流殫方，如出一貫，則枝葉爲輕而本根重矣。學與道會，人與德合，登高立可以奮鷹，俯長流可以觀逝，則山川雖富同遊於覆載之內，義理至樂獨行於物欲之外矣。豈非令長修學之本意哉？

播書之溪猶浴沂也，善卷之竇亦舞雩也，非騷人勦士專而有也。嘉定十三年十月乙丑，龍泉葉適。

宜興岳鄂王廟記

周端朝

中興三十餘年事論底定於是岳武穆王以誼尊宗
社志還故疆為名將第一妥靈揭敬被于荆襄夏鄧
追胙王茅廟象震耀矣始建災間虜酋南軼王柄位
未盛已提勁旅轉戰桐汭連奏六捷俘執偽置克復
溧陽時巨盜旁午闔宜興殷實吸眾寇犯官旅雌伏
縣郭帖陋王亟引兵至境郭吉望風竄偃深匯王追
奔殲盡還所掠輜舟百餘盜相挺未已率精銳數
千計王多設方略降馬淠帽林聚馘張威武蹀厥方

駐軍張渚羣醜全清旁郡邑棄資儲來保宜興踰萬
室方蹈躪孔棘賣城畔走近鎮重郭不自保固而宜
興外捍虜內攘盜存立無震王之勲烈雖降在一縣
豈不偉歟比聯守將能盡爲是則石城湯池襟帶千
里虜已無噍類矣余觀王抗志不撓誓滅強虜旣掃
空洞庭通闢江漢然後舉肱河洛決皆燕趙迄以其
身偕爲死生視留題金沙寺時氣槩已見英爽有知
其當時夷門蹠居庸也而豈望報一邑安其香火之
留哉其摧戕寇讐以功爲謹而宜興之人實曰王之

恩我等父母也象設祭嘗卒與國家褒幽節謚之典
相爲後先謂義不根人心亦豈然也顧出閭里綿絕
未稱嘉定十一年知縣事戴君楠甫止謁猶卽周孝
侯祠下慨然曰豐功而薄祀貴爵而附處縣大夫以
政迪民者也其敢忌革乎度地塏鳩材餘將爲新宮
張侈祀事郡守趙侯崇模王之孫嘉興守珂咸佐其
費合九資用役不及民明年六月會材元築重堂密
植臺廡森聳備服南面旗纛徽雅邑人闐溢謹舞還
念舊事嘆百年之愈不遇也事者制禮主教民報天

地社稷品節降殺先蠶農師國里竭出本祖駿業雖
培德性皆示民防範之至也忠名勇績其大者蓋已
默扶邦烈顯開世道非一邑得私以爲賜而爲政者
教民以不偷其必自豐報始矣相攸斯宇仰挹善卷
之高俯激番畫之清以詠歌王之德於無窮義問交
暢善意周匝抑俾英材輩產以保乂王家茲不亦所
望於邑之人乎戴君求嘉人端尹岷隱先生之冢嗣
端尹嘗以盛心名命其子其爲政宜知本末是冢書
十月既望從政郎本學錄周端朝記

宜興先賢祠堂記

真德秀

古者卿先生沒而祭于社夫社者報本之事也卿先生何功而祭于此耶蓋嘗深思社之爲羣祀首者以其產嘉穀育烝民而卿先生之重于卿亦以其蹈道秉德而牖民於善也育之以保正命牖之以全正性其功一爾然聖門所論必不得已寧去食以存信而君臣父子或失其正雖有粟不得而食焉教導開明之功若是其重此所以祭於社百世無慚歟後世先賢有祠其人遠矣而言行風蹟莫不具存卿人子歸

猶有所觀法則雖歷千百祀不可忘也陽羨自晉以
來世有顯人若周孝侯遷善之勇死國之忠卓然爲
百代標表繇梁而唐文章事業亦或間見可觀迨至
國朝則若樂安蔣公儒術爲時所宗雖金陵猶推尊
不敢後若古靈陳公則嘗守郡而卒葬于此東坡蘇
公則買田築室而終于此二公之學行節守蓋皆一
世偉人塋域所藏寢廟所寄雖非其鄉而謂之鄉人
可也若道卿鄒公則歸自嶺南一託宿于道流之館
而邑之人至今曰吾鄒公也烏平民之秉彝好是

懿德若是非耶然自晉迄今惟周侯寔有廟饗餘未
聞尸而祝之者室慶三年浚儀趙侯與愬來宰宜興
以扶教導人而咸秩予位又惟內翰汪公兵部侍郎
王公簡惠文忠二周公亦近世鴻碩或家或寓皆用
故事以祠九月望日安侑如禮侯於斯舉其欲邦人
士君子相與奮發爲道德之歸乎周孝公同我桑梓
有爲若是今昔豈殊吝心苟仁何過弗可改壯志一
立何事弗可成雖然是非必襲其迹也昔吾先聖之
教自春秋賢大夫如史魚之直子產之惠舉以告羣

弟子非一至其親切傳授則曰仁而已苟仁矣天下
萬善莫不具於其中以之事君而直以之養民而惠
何者非仁之功用耶學者審能服膺洙泗之訓而以
回雍所從者爲拍歸則前脩之言行風蹟雖不規規
求合吾見其無不合也祠在縣山川最勝處甫成而
瑞木叶符異材奮興此其兆也侯於此多美政今皆
不書獨書所以率平宜興之士者是年十月乙未建
安真德秀記

宜興復周孝公堇兆記

劉寧

周孝公墓在陽羨荆溪之南北向廟當其前紹興中
賜額曰英烈慶元初進封忠武公周氏自鮑四世顯
著其盛也一門五侯墓之存於今十有一莫詳其次
然公必葬衣冠其中明甚歲久梵宇民居交侵賜地
之存無幾近歲有伏義起嗣者所歸僅十之二旋復
區分之鄱陽洪君憫軫道相君之孫好事行義其丞
是邑也謂古興王之世必禮先賢之墓而法所得祀
惟有功於民有勞於國與德災捍患以死勤事者公
皆兼之又公之英爽曠曠如生顧廟未葺墓之采樵

第禁非所以崇明德昭令典欲亟圖之而局於位會
其季年以選擢令慨然曰可矣乃周視棟宇鳩工庀
材以楹計屋訖弊而新之者十有八無而益之者十
有四傾而正之者九漏而填之者十甃其壁而飾其
像設什器與凡丹堊之漫漶者旣又巡行北域辨其
侵而勸相其遷繚之墻踰二百丈樹之杉松合萬有
一千本又即墓之中故相朱公倬爲簿領時所築基
亭焉以爲致敬之地燕父先捐已故助者衆役不干時
故作者力凡用石米二百緡錢千有五百其助竹木

死靡而不受直者不計經始於歲癸未十有一月兩
寅而成於明年四月朔洪君之爲力勤矣旣成而屬
余以記余雖不文以託名不朽爲幸其何敢辭抑聞
前輩謂慷慨殺身者易從容就義者難蓋慷慨殺身
苟不勝一朝之忿者皆能之從容就義非沉思審慮
不輕用其身者不能也張子房蚤歲結客報仇眇秦
皇如晉鄙不幸爲所及則浞荊軻游地下耳及聞圯
上之言玩意黃石之編向者排山倒海之氣如水反
鑿故能不出帷幄顛羸踣頤公其斯人徒歟史稱公

少時縱情肆欲爲州曲患陸士衡爲公碑謂不偶於
俗爲俗所誣徐鍇又以公爲任俠千載之下是否誠
難臆決然竊意錯之言爲近蓋吳魏世儻吳自大帝
之亡日逼於魏魏以曹休之敗深怨於勦則公之任
俠卽子房博浪沙中遺意其爲鄉里患苦非公自爾
蓋俠徒所萃其執則然及聞父老之言幡然自克又
與子房圯下歸來異世一揆前輩以子房所遇爲秦
之隱君子庸詎知公所遇非陽羨之隱君子歟遐想
當時遇合之由進說之次第與公所以引咎自歸來

必大有可觀而史非班馬登載闕踈令人不慊故述
之篇末以修陽羨舊聞而附以詩俾歌以祀若公之
官闕行治傳記已詳茲不復贅云南山兮嵯峨溪水
湛兮平波波不驚兮山未未樵者唱兮漁歌遠字兮
煌煌嘉薦兮苾香公之至今愉愉降我福兮穰穰飛
龍駕兮翔鸞御公之來兮條而去宰木秀兮佳城慰
武民兮千古歲嘉定甲申六月朔漫塘史劉宰記

無錫慧山新泉記

獨孤及

此寺居吳西神山之尾山小多泉其高可憑而上山

下靈池異花載在方志山上有真僧隱客遺事故迹而披勝錄異者賤近不書無錫令敬澄字源深以割雞之餘考古案圖葺而築之乃飾乃圻有客竟陵陸羽多識名山大川之名與此峯白雲相為賓主乃稽厥創始之所以而志之談者然後知山之方廣勝掩他境其泉狀涌潛滅滌潛舍下無址無竇蓄而不注深源因地勢以順水性始雙壑表文之沼䟽為懸流使瀑布下鍾甘溜湍激若醞醴乳噴發于禪床周于僧房灌注于德地經營于法堂潺潺有聲聆之耳清

濯其源飲其真使貪者讓躁者靜靜者勸道道者堅
固境靜故也夫物不自美因人美之泉出於山發於
自然非夫人疏之鑿之之功則水之時用不廣亦猶
無錫之政煩民資深源導之則千室襦袴仁智之所
及功用之所格動若響者其揆一也予飲其泉而悅
之乃志羨於石

慧山寺記

陸羽

慧山古華山也顧歡吳地記云華山在吳城西北一
百里釋寶唱名僧傳云沙門僧顯宋元徽中過江往

京師彌陀寺後入吳越華山精舍華山上有方池池
中生千葉蓮華服之羽化老子枕中記所謂吳西神
山是也山東峯當周秦間大產鉛錫至漢興錫方殫
故創無錫縣屬會稽後漢有樵客山下得銘云有錫
兵天下爭無錫寧天下清有錫珍天下弊無錫又天
下濟自光武至孝順之世錫果竭順帝東為無錫縣
屬吳郡故東山謂之錫山此則錫山之本歟也南朝
多以北方山川郡邑之名權創其地又以此山為歷
山以擬帝舜所耕者其山有九隴俗謂之九隴山或

云九龍山或云關龍山九龍者言山隴之形若蒼
縹螭之合脊然關龍者相傳云隋大業末山上有龍
關六十日因而名之凡聯峰沓嶂之中有柯山華陂
古洞陽觀秦始皇塢柯山者吳子仲雍五世孫柯相
所治也華陂者齊孝子華寶所築也古洞陽觀下有
洞穴潛通包山其觀以天監年置隋大業年廢秦始皇
皇塢塢者村墅之異名昔始皇東巡會稽望氣者以
金陵太湖之間有天子氣故掘而厭之梁大同中有
青蓮華育於此山因以古華山精舍爲慧山寺寺在

無錫縣西七里宋司徒右長史湛茂之家此山下故
南平王鐸有贈答之詩江淹劉孝標周文信並遊焉
寺前有曲水亭一名憩亭一名歇馬亭以備士庶投
息之所其水九曲琬以文觀鳳壁齋淪淪浹浹移
日寺中有方池一名千葉蓮華池一名鱸塘一名浣
沼歲集山姬野婦漂紗滌縷其紗皓之色彼耶溪鏡
湖不類也池上有大同殿以梁大同年置因名之
大同殿直上至望湖閣東北九里有上湖一名射
湖一名芙蓉湖其湖南控長洲東洞江陰北淹

晉陵周回一萬五千三百頃蒼蒼渺渺迫於軒戶閭
西有黃公澗昔楚考烈王之時封春申君黃歇於吳
之故墟則此也其祠宇亭以醪酒樂以鼓舞禪流道
畔不勝輝暎遷於山東南林墅之中夫江南山淺土
薄不有流水而此山泉源滂沱崖谷下溉田十餘頃
此山又當大湖之西北隅縈竦四十餘里唯中峰有
叢篁壑未餘盡古石嵌崿而已九煙嵐所集發於蘿
薜今石山橫亘濃翠可掬昔周柱史伯陽謂之神山
豈虛言哉揚其至靈無當世之弟精其遠異爲訛俗

所棄無當世之名以其棟宇不完也爲訛俗所棄必
其聞見不遠也且如吳西之虎丘丹徒之鶴林錢塘
之天竺以其臺殿樓榭崇崇業業車輿存至是有嘉
名不然何以與此山爲儔列耶若以鶴林望江天竺
觀海虎丘平眺郡郭以爲雄則曷若兹山絕頂下瞰
五湖彼大雷小雷洞庭諸山以掌睨可矣向若引脩
廊開邃宇飛簷眺檻凌煙架日則江淮之地著名之
寺斯爲最也此山亦猶人之秉至行負淳德無冠裳
鐘鼎昌昌燁燁爲邇俗不有宜矣夫德者源也冠

囊鐘鼎流也苟無其源流將安發乎敦其源亦伺其
流希它日之營立焉後世之洪注云

重修毗陵志卷第二十一

重修毗陵志卷第二十二

詞翰三

詩

過廬山湛長史草堂

宋南平王劉鑠

茲山蘊靈詭。憑覽趣亦賅。九峯相接連。五渚逆縈浸。
層阿疲且引。絕崑暢方禁。溜衆夏更寒。林交晝常蔭。
伊余久緇涅。復得味枯淡。願逐安期生。於焉愜高枕。

酬南平王

宋長史湛茂之

關戶守玄漠。無復車馬跡。衰廢歸丘樊。歲寒見松栢。

身慙淮陽老名參梁園客習隱非市朝追賞在山澤
離離插天樹磊磊間雲石持此怡一生傷哉駒度隙

過廬山

齊竟陵王友江淹

愁生白露日鬼起秋風年竊悲杜衡墓墜涕吊空山
落葉下楚水別鶴唳吳田嶂氣陰不極日色半虧天
酒挹清蕭瑟憑樽還復然一聞清琴奏歌泣方留連
沉沉客子念直是絲竹間

釣臺

梁任昉

道遇垂綸叟聊訪問津惑長泛滄浪水誰明至蹟黑

蘭臺聚

陸
礎

和風雜美氣下有真人游
址矣荀文若賢陳太丘
今則蘭臺聚方古信為儔
任君本識達張子復清流
既有絕塵到復見黃中劉

和晉陵陸丞早春有懷

唐杜
審言

獨有官游_百人偏驚物候新
雲霞出海曙梅柳渡江春
淑氣催黃鳥晴光照綠蘋
忽聞歌苦調歸思已霑巾

贈從孫銘宰義興

李
白

退食無外事琴堂向山開
綠水來以閒白雲有時來

題湛長史舊居

丘丹

無錫縣西郊七里，有慧山寺。即宋司徒右長史湛
素之別墅也。舊名歷山，故南平王劉繇有過湛
長史歷山草堂詩。湛有酬味其文野而興，特以松
石自怡。終見止足之意，可謂當時高賢。至齊竟陵
王友江淹亦有繼作。余登茲山，觀三篇，列于石壁。
仰覽遺韻，若穆清風，遽訪湛氏胄裔。山下有三十
餘族，得十三代孫畧，觀其諧書，歲墨歷蠹年，世雖
邈，堂尚存。余披宋史，不見其入心，每惻歎其失
斯人也。因復追緝六韻，以次三賢之末。貞元元年歲在庚午。

身退逃名累，道存嘉止足。設醴降華幡，掛冠守幽谷。
偶尋野外寺，仰慕賢者躅。不見昔簪裾，猶有舊松竹。
煙霞雖異世，風韻如在矚。余即江海人，歸轍青山曲。

送李侍郎赴常州

賈至

雪晴雲散北風寒
楚水吳山道路難
今日送君須盡
醉明朝相憶路漫漫

宿慧山寺

吳武陵

戊辰秋八月吳郡宋遐景自秦還吳南次無錫命
余及故人竇丹列會于慧山之精舍是時山林始
秋高興在木涼風白雲起於座隅逍遙於長松之
下偃息於磐石之上仰視雲嶺俯瞰寒泉夕陽西
歸皓月東出群動皆息視身如空玄宮妙論以極
窮奧丹列有遁世之志遐景有塵外之心余亦樂
天知命怡然契合視富貴如浮雲一歌一詠以舒
情性夫良時佳會古人所惜序述不作是闕文也
山林之下景物秀茂賦
詩道意以紀方外之遊

秋日遊古寺秋山正蒼蒼
泛舟次岩壑稽首金仙堂
下有寒泉流上有玲禽翔
石門吐明月竹林含清光
中夜何沉沉但聞松桂香
曠然出塵境憂慮澹已忘

秋暮登北樓

秋滿空山悲客心
山樓晴望散幽襟
一川紅樹迎霜老
數曲清溪遶寺深
寒氣急催遙塞鴈
夕風高送遠城砧
三年海上音書絕
鄉國蕭條惟夢尋

送客

竇羣

南渡登舟即水仙
西垣有客思悠然
因君相問爲官

意不買毗陵附郭田

得李滁州書以玉潭莊見託因書春思以詩

代荅

獨孤及

春物行將老懷君意詎堪朱顏因酒強白髮對花慙
日日思瓊樹書書話玉潭知同百口累曷日辦抽簪

題玉潭

碧玉徒強名永壺難比德惟當宋照心可並龔淪色

答李滁州見寄

相逢遽嘆別離牽三見江皋蕙草鮮白髮俱生歡未

再滄洲獨往意何堅
愁看郡內花將歇
忍過山中月
屢圓終日望君休
汝騎愧無堪報起予篇

奉寄獨孤常州時蒙溪幽居在義興益增懷

思

李幼卿

近日霜毛一番新
別時芳草兩迴春
不堪花落花開
處况是江南江北人
薄官龍鍾心謾懶
故山寥落水
齋淪緣君愛我疵瑕少
願竊仁風寄老身

戲和賈常州醉中二絕

白居易

開道毗陵詩酒興
近來積漸學姑蘇
舊國新春從偷

去刮骨清吟得似無

越調管吹留客曲吳吟詩送暖寒
孟娃宮無限風流
事好遣孫心暫學來

酬常州陳郎中使君

新年多暇日晏起
褰帷坐睡足心更慵
日高頭未裹
徐傾下藥酒稍熟
煎茶火誰伴
宋寥身無絃琴在左
遙思毗陵館春深
物嫋娜波拂黃柳梢
風搖白梅朵
衙門排曉戟鈴閣
開朝鎖太守水西來
朱衣垂素舸
良辰不易得佳會
無由果五馬正相望
雙魚忽前墮

魚中獲瑰寶持玩何磊砢一百六十言字字靈珠顆
上申心款曲下叙時輒輒才富不如君道孤還似我
敢辭官遠慢且貴身安妥勿復問榮枯冥心無不可
送楊八給事赴常州

無嗟別青瑣且喜擁朱輪五十得三品百千無一人
須勤念黎庶莫苦憶交親此外無過醉毗陵何限春
夜聞賈常州崔湖州茶山境會想羨歡宴因

寄此詩

遙聞境會茶山夜珠翠歌鍾俱遶身盤下中分兩州

界燈前合作一家春

青娥

舞應爭妙紫荷齊嘗客

關新自歎花時北牕下蒲黃酒對病眠人

晚春閒居

工部寄詩揚常州寄茶同到因

以答之

宿醒未寔眠初起春意闌珊日又斜勸我加餐因早
筍恨人休醉是殘花悶吟工部新來句渴飲毗陵遠
到茶兄弟東西官職冷門前車馬向誰家

送李校書赴寒食歸義興山居

久見騰騰詩酒客不憂老計似君稀到家將作寒

食蒲船唯載樹栽歸

看常州柘枝贈郭使君

莫惜新衣舞柘枝也從塵汚汗霑垂料君即却歸朝
去不見銀泥衫故時

題茶山

杜牧

山實東南秀茶稱瑞草魁剖符雖俗吏脩貢亦僊才
溪盡停蠻棹旗張卓翠苔柳村穿窈窕松澗渡喧阗
等級雲峰峻寬平洞府開拂天聞笑語特地見樓臺
泉嫩黃金湧山有金沙泉脩貢即絕牙香紫壁栽拜章朝沃

月輕騎疾奔雷舞袖藍侵潤歌聲令谷迴磬藏葉
烏雪艷照潭梅好是金家到兼爲鳳詔求樹陰香作
帳花逕落成堆景物殘三月登臨愴一盃重游難自
剋倪首入塵埃

茶山下作

春風最窈窕日晚柳村西嬌雲光占岫健水鳴分溪
燎巖野花遠戛愁幽鳥啼把酒坐芳草亦有佳人攜
入茶山下題水口草市

倚溪侵嶺多高樹誇酒書旗有小樓驚起鴛鴦豈無

恨一雙飛去却回頭

春日茶山病不飲酒呈賓客

笙歌登畫船十日清明前山秀白雲膩溪光紅粉鮮
欲開未開花半陰半晴天誰知病太深猶得作茶仙

贈許七侍御

天子繡衣吏東吳美退居有園同吏信避事學相如
蘭畹清香嫩筠溪翠影疎江山九秋後風月六朝餘
錦肆開詩軸青囊結道書霜沾紅壁勢如露沾白雲
睡雨高梧密棊燈小閣虛凍醪元亮秫寒餽子真魚

塵意迷今古雲情識卷舒他年雪中棹陽羨訪舊廬
李侍郎於陽羨里富有泉石某亦於陽羨粗
有薄產叙舊叙懷因獻長句四韻 雪

冥鴻不下非無意鷖馬歸來是偶然紫綬公卿今放
曠白頭郎吏尚留連終南山下拋泉洞陽羨溪中買
釣船欲與明公操履杖願聞歸去是何年

却望無錫芙蓉湖五節

丹樹村邊煙火微碧波深處鴈初飛蕭條落葉垂楊
岸隔水寥寥聞搗衣

水寬山遠煙風迥柳岸縈回在碧沚清畫不風鳬鴈
少却疑初夢鏡湖秋

逐波雲采參差遠背日嵐光隱見深猶似望中連海
樹月生湖上是山陰

舊山認得煙嵐近河水平鋪碧岫間喜見雲泉還悵
望自慙山叟不歸山

翠幄幽谷分明處倦鳥歸雲在眼前惆悵白頭老
老遠隨塵土去伊川

別泉石

晴沙見底空無塵青石潛流暗有聲微動松風涵淅
瀝細浮竹月透輕盈桂凝秋露凝露液茗拆春芽汎
玉英應是梵宮連洞府浴池今化醴泉清

憶慧山寺

故山一別光陰改秋露殘蟬歲月多松下壯心年少
去池邊衰影老人過白雲生滅依嵒谷青桂榮枯託
薜蘿惟有此身長是客又驅旂旆寄煙波

重到慧山二首

望中白鶴憐歸翼行處青苔恨昔遊遠向竹牕名姓

下數行添記別離愁

碧峰依舊松筠老重得經過已白頭俱是海天黃葉
信兩逢霜節菊花秋

寄毗陵楊給事

虞卿三首

劉禹錫

揮毫起制來東省蹀足修名謁外臺好著縈韃莫惆
悵出文入武是全才

曾主魚書輕刺史今朝自請左符來青雲直上無多
地却要斜飛取勢回

東城南陌昔同遊坐上無人第二流屈指如今已零

落且須歡喜作鄰州

楊給事新樓

文昌星象盡東來
油幕朱門次第開
且上新樓看風月
會乘雲雨一時回

張公洞

李 拙鎬

一逕深窈窕上升翠微中
忽然靈洞前日月開僊宮
道士十二人往還馭清風
焚香入深洞巨石如虛空
夙夜備蘋藻詔書祠張公
五雲何徘徊玄鶴下蒼穹
我本道門子願言出塵籠
掃除方寸間機與神靈通

宦昔勤夢想契之在深衷遲迴將不還章綬繫我躬
稽首謝真侶辭蒲歸

題慧山寺

許渾

排空殿塔倚嵒巒秋韻經聲月裏寒兩眼沅泉清戶
隔九龍飛雨洒欄干翫沙魚弄金池影聽供烏啼施
食盤借問繡衣車馬客幾時林下脫儒冠

題衛將軍廟

武牢関下護龍旗挾纓彎弓孤馬上飛漢業未興王霸
在秦兵纔散魯連歸墳寒水澤理金劒廟枕長溪樹

鐵衣欲莫英蒐何處問葦花楓葉雨霏霏

題天申宮殿前冬青樹

霜葉不凋色兩株交石壇未秋紅實淺經夏綠陰寒
露重蟬鳴急風多鳥宿難何如西禁柳晴舞玉欄干

晚次荆溪呈崔明府

張 祐

艤舟陽羨館飛步繞疎楹山暝水雲碧月涼煙樹清
長橋深夜影遠櫓下溪聲況是無三害絃歌初政成

題陸壩金沙洞居

東溪泉一眼歸卧樞高踈決外金沙靜梯雲石壁虛

細吟搔短髮深語笑長裾莫道金品常間入洛初

題善卷寺

碧■南一寺最勝是僊源峻岷依崇壁清流注洞門
金函崇寶藏玉柱閉靈根寄謝香林客高蹤不可援

題慧山普利寺

舊宅人何在空門客自過泉聲到池盡山色上樓多
小洞穿斜竹重階夾細莎慙勸軍城市雲水暮鍾和

題李漬山居玉潭

古樹千夜色蒼崖百尺陰巖泉泉氣靜神駭玉光沉

大青冥小中連碧海深何當煙月下一聽夜龍吟

投常州從兄中丞

篇舟何所往言入善人邦舊愛鵬搏海今聞虎渡江
士因爲政樂儒爲說詩降素履冰容淨新詞玉韻挺
金魚聊解帶畫鷁稍移檣邀妓思逃席留賓命倒缸
吏材誰是伍經術世無雙廣廈當宏構洪鍾併侍撞
成龍須讓郤展驥莫先龐應念宗中末秋螢照一窻

夜泊毗陵無錫縣有寄

羅隱

草蟲幽咽樹初圓獨繫孤舟夜色闌濁浪執奔吳苑

急疎鍾聲出慧山寒愁催鬢髮那何易貧戀家鄉別
漸難他日親朋應大笑始知常劍是無端

登慧山北樓

皇甫冉

秋興因花蝶歸心適遠山風霜征鴈早江海旅人閒
驛樹雲仍密漁舟晚自還仲宣何所賦祇嘆在荆蠻
送張陟歸常州

夜雨頻停棹秋風暗入衣見君常北望何事却南歸
洞靈觀

孤煙洞靈觀積雪暮山寒松栢凌高殿莓苔封石壇

客來清夜久，僊去白雲殘。明日開金錄，焚香爇沐蘭。

三月三日義興李明府汎舟

江南煙景復如何，聞道新亭更可過。處處藝蘭春浦綠，萋萋新草遠山多。壺觴湏就陶彭澤，風俗猶傳永和。更使輕橈隨轉去，微風落日水無波。

無錫惠山寺泝泉歌

寺有泉兮泉在山，鏘金鳴玉今長潺。潺作潭鏡兮澄寺內，泛巖花兮到人間。土膏脉動知春早，隈隩陰深長苔草。處處縈回石磴喧，朝朝盪漱山僧老。林松自

古草自新清流活活無冬春任疏鑿今與汲引者有
意兮山中人偏依佛界通僊境明滅玲瓏媚林嶺宛
如太空臨九潭詎減天台望三井我來結綬未經秋
已厭微官憶舊游且復遲回猶未去此心只爲靈泉
留

賦得荆溪夜湍送蔣逸人歸義興山

驚湍流不極夜度識雲岑長帶溪沙淺時因山雨深
方同七里路更送五湖心竭厲朝將夕潺湲古壑吟
花源若許到雖遠亦相尋

寄高雲

南徐風日好，悵望毗陵道。
毗陵有故人，一見恨無因。
獨戀青山久，唯令白髮新。
每嫌持手版，時見著頭巾。
煙雨臨寒景，農桑起仲春。
家貧仍嗜酒，生事令何有。
芳草遍江南，勞心憶攜手。

送魏十六還蘇州

秋夜沈沈此送君，陰蟲切切不堪聞。
歸舟明日毗陵道，回首姑蘇是白雲。

題高雲客舍

孤興日自深
淙淙非所便
忽中西城峻
樹外東川廣
晏起簪葛巾
閑吟倚藜杖
阮公道在醉
莊子生恒養
五柳轉扶疎
千峰恣來往
清秋香穫成
白雲寒菜長
吳國帶風煙
平陵延夢想
時人趣纓弁
高鳥遠羅網
世事徒糾紛
吾心方浩蕩
唯將山與水
處處諧真賞

秋吟

高蟾

陽羨溪聲冷
駭人洞庭山
翠晚凝神天
將金玉爲風
露曾爲高秋
幾度賞

息舟荆溪
陽羨南山遊
香林寺
王季功曹

巨

年士謬

結纜蘭渚曉柴車上連岡晏溫值初霽去遶山何長
獻歲冰雪盡細泉生路傍行披煙杉入激瀾橫石梁
層閣表精廬飛薨切雲翔冲襟得高步清眺極遠方
渾淖積佳氣萸萸多早芳具觀澤國秀重使春心傷
念遠煩促途榮利驚隙光勉君脫冠意共匿無何鄉
和常州崔使君寒食夜

孫逖

聞道清明近春庭向夕閒行遊春不厭風物夜宜看
斗柄更初轉梅香暗裏發無嫌素華燭晴月在南端

和常州崔使君謫仙三食

聞說梅花落江南春意深更傳千里外來入越人吟
弱幹紅粧倚繁香翠羽尋庭中自公日歌舞向芳陰
梅院重門掩遙遙歌吹邊庭深人不見春至曲能傳
花落彈碁處香來薦枕前使君停轡馬行樂此中偏

題天申宮三首

宋維

殿闕盤空壓巨壑洗然靈迹助風騷主龍跡入洞雲
冷玄鶴唳頻山月高深谷羽童探石函曉淨真侶飲
僊桃可憐不悟長生者塵裏區區敗鬢毛

中峰嘉樹綠陰陰洞裏靈蹤已徧尋
欲下山門又回首數聲清磬白雲深
雲風蒲袖倚晶扉龍窰寒生夜睡遲
一曲朱絃誰與聽月斜風撼碧桃枝

贈僧二首

顧況

家住義興東舍溪溪邊莎草雨無泥
上人一向心入定春鳥年年空自啼

出頭皆是新年少何處能容老病翁
更把浮雲喻生滅世間無事不虛空

宿荆溪呈丘義興

嚴維

失路荆溪上，依仁忽暝投。
長橋今夜月，陽羨古時州。
野燒明山郭，寒更出縣樓。
先生能館我，何事五湖遊。

送客歸常州

楊凝

行到河邊從此辭，寒天日遠暮帆遲。
可憐芳草成衰草，公子歸時過綠時。

自蘇臺泛舟至望亭驛因寄從弟紆

李嘉祐

南浦菰蔕覆白蘋，東吳黎庶逐黃巾。
野棠自發空流

水江燕初飛不見人遠樹依依如送客平田渺渺獨
傷春那堪回首長洲苑烽火年年報虜塵

送陸士倫之宜興

陽羨蘭陵近高城帶水間淺流通野水綠荻滿春山
自常州還江陰道中

處處空籬落江村不忍看無人花色慘多雨鳥聲寒
黃霸初臨郡陶潛未罷官乘春務征伐誰肯問凋殘
晚春宴無錫蔡長官西亭

茅簷閑宋宋無事覺人和井近時澆圃城低下見河

興緣芳草積情向遠峰
吳地停橈更一過

常州常郎中汎舟見錢

主人憑軾貴送客汎舟稀
過岸隨芳草回橈背落暉
映花雙節駐臨水伯勞飛
醉與群公狎春塘露冕歸

寄毗陵微公

身依吳寺老黃葉幾回看
早講林霜在孤禪隙月殘
井通潮浪遠鍾與角聲寒
已有南游約誰言禮謁難

送董正字常州觀省

賈島

相逐一行鴻何時出磧中
江沂鄰白浪木葉落青楓

輕櫂浮吳國繁霜下楚空春來歡待阻正字在東宮

又

姚合

路岐知不盡離別自無窮行客心方切主人樽米空
楚檣收月下江樹在潮中人各還家去還家慶不同

又

釋無可

暫辭離校未發見新鴻路入江波上人歸楚邑東
山遙晴出樹野極暮連空何以念兄弟應思潔膳同

又

馬戴

去觀一作此陵日秋城綠草中亦垂石城古山闊海

門空灌冰寒
橫遠聲波皎
月同何當復
離校春集少
陽宮

贈常州院僧

姚合

一生毗陵寺
僧應抵信緣
院負人施食
窓靜鳥窺禪
古磬聲難盡
秋燈色更鮮
仍聞開講日
湖上少漁船
送喻鳬校書歸毗陵

主人庭葉黑
詩葉更誰書
關下科名出
庭中賦籍除
山春煙樹衆
江晚遠帆疎
吾亦家吳者
無因到弊廬
題陶諱隱居

方干

香署裏從容步陽羨
山中笑傲情竿底些些釣
伴花邊白犬吠泥鷺

送江陰霍明府之任

遙遙去舸新侵郭葦兼蘋樹列葉灘鶴鄉多釣浦人
虹分陽羨雨浪隔廣陵春知竟三年快琴書外長貧

送義興元少府

李端

逢君惠連第初命使光輝已得羣公祖微妨太傅議
路長人返顧草盡燕回飛本是江南客還同衣錦歸

送晉陵王少府赴選

相看_不忍盡離觴_五兩_六牽風遠去_七檣遠驛新砧應弄_八
月初程殘角未吹霜越山直下分吳苑淮水橫流入_九
楚鄉_十環重知家好兄弟明年祿位在何方

懷金鵝沈山人

盧一全

君愛煉藥藥欲成我愛煉骨骨已清試自比校得仙
者也應合得天上行天門九重高崔嵬青空繫黃
金椎夜叉守門晝不啓半夜醮祭半夜開夜叉喜懽
動閃鎖鎖生掣地生風雷地上禽獸重血食性命血
化飛黃埃太上道君蓮花臺九門隔闌安在哉嗚呼

沈君大藥成兼須巧會鬼神情無貪長生喪厥生

邵博士溪亭

李郢

野茶無限春風葉溪水千重返照波只去長橋三十里誰人一解枉帆過

秋晚寄題陸勲校書義興禪居時淮南從事
禪居秋草晚蕭索異前時蓮幙青雲貴翱翔絕後期
薜蘿房檉架掩山砌石盆歌劍戟晨趨靜笙歌夜散逢
谷寒霜欲靜林晚磬蟲悲惠遠煙霞在方平杖屨隨
骨清須貴達神重有威儀萬卒千蹄馬橫鞭從信騎

茶山貢焙歌

使君愛客情無已客在金臺價無比春風三月貢茶
時盡逐紅旌到山裏焙中清曉朱門開筐箱漸見新
芽來陵煙觸露不停採官家赤印連帖催朝飢暮匄
誰興哀喧闐競納不盈掬一時一餉還成堆蒸之馥
之香勝梅研膏架動轟如雷茶成拜表貢天子萬人
爭瞰春山摧駟騎鞭声若流雷坐夜驅夫誰得兒十
日王程路四千到時須及清明宴吾君可謂納諫君
東官不諫何由聞九重城裏雖食天涯

紛使君憂民慘容色就焙嘗茶坐諸客幾回到口重
咨嗟嫩綠鮮芳出何力山中有酒亦有歌樂營房戶
皆仙家仙家十隊酒百斛金絲宴饌隨經過使君是
日憂思多客亦無言徵綺羅殷勤繞焙復長嘆官府
例成期如何吳民吳民莫憔悴使君作相期蘇爾

春日自吳門之陽羨道中書事

曹松

勝異恣遊應未遍路岐猶去幾時還浪花湖闊虹蜺
斷柳線村深鳥雀閒千室綺羅浮畫檝兩州絲竹會
前山眼前便是神仙事何必須言洞府間

周平西墓

權德輿

英威今寂寞陳迹對崇丘壯志清風在荒墳白日愁
窮泉那復曉喬水不知秋歲歲寒塘側無人水自流

題獨孤常州湖上林亭

劉長卿

出樹倚朱欄吹簫引上官老農持鋤拜
捲簾看

水對登龍潭山當建隼寒
陽湖草動秋色清田寬

渤海人無事荊州客獨安謝公何足比來往石門難

毗陵留別

朱放

別離非一處此處最傷情白髮將春草稍隨日日生

題慧山寺

皮日休

素葉蓮花舊有香
半山奎剎照方塘
殿前日暮高風起
杉子聲聲打石床

懷錫山藥名離合二首

暗竇養泉容泱泱
明園護桂放亭亭
歷山居處當天半
夏裏松風儘足聽

曉景半和山氣白
微香清淨雜纖雲
實頭事是眠平石
腦側空林看鹿群

又二首

陸龜蒙

鶴伴前溪栽白杏人來陰洞滿枯松羅深境靜日欲
落石上未眠聞遠鍾

佳句成來誰不伏神丹偷去亦須防風前莫怪携詩
藁本是吳吟蕩槳郎

山居即事二首

陸希聲

君山蒼翠接青冥東走湖上洞庭前屋向陽振
目竹牕深夜誦丹經涌泉回沈魚龍悉石驚騰魚
獸形為問前時金馬客此焉還作少微星
不是幽棲矯性靈從來無意在羶腥清川風物高

枕四合雲山借盡屏五鹿歸來矜嶽嶽孤鴻飛去入
冥冥君陽遯叟何爲爾一炷清香兩卷經

苦竹徑

山前無數碧琅玕一徑陰森五月寒世上何人憐苦
節應須細問子猷看

梅花塢

凍蕊凝香雪艷新小山深塢伴幽人知君有意凌寒
色羞共千花一樣春

石兒臺

大河波浪激潼關青兕胡爲伏此山遙想楚王雲夢澤蜺旌羽蓋定空還

講易座

年逾知命志亦堅獨向青山更絕編天下有山山有水養蒙肥遯正脩然

觀魚

惠施徒自學多方謾說觀魚理未長不得莊生濠上旨江湖何以見相忘

綠雲

六月清涼綠樹陰
小亭高卧滌煩襟
羲皇向上何人到
永日時時弄素琴

清輝堂

野人心地本無機
爲愛茆堂倚翠微
盡日樽前誰是客
秋山寒水有清輝

觀妙庵

妙理難觀旨甚深
欲知無欲是無心
茆庵不異人間世
河上真人自可尋

西陽亭

隔林殘日照孤亭
玄晏先生酒未醒
入夜莫愁迷下
路昔人猶似逐流螢

弄雲亭

自知無業致吾君
只向空山弄白雲
已共此山私斷
當不須轉輒重移文

伏龜堂

盤屈壓縮似靈龜
鬼谷先生隱遯時
不獨老懷經世
志白雲流水是心期

桃花谷

君陽山下足春風
蒲谷仙桃照水紅
何必武陵源上去
澗邊好過落花中

含桃園

小圃初晴風露光
含桃花發滿山香
看花對酒心無事
但覺春來白日長

茗坡

二月山家穀雨天
半坡芳茗露華鮮
春醒酒病兼消渴
惜取新芽旋摘煎

松嶺

嶺上春松手自栽已能蒼翠映莓苔感寒本是君家
事好送清風月下來

桃蹊

芳草霏靡遍地齊桃花脉脉自成蹊也知百舌多言
語任向春風盡意啼

李逕

一逕穠芳萬蕊攢風吹雨打未摧殘憐君盡向高枝
發應爲行人要整冠

鴻磐

落落飛鴻漸如鴈青雲起處剩須看如今天路多艱
繳縱使銜蘆去也難

題毗陵驛

南唐徐鉉

曾持使節駐毗陵長與州人有舊情為報驛橋風月
道舍人鬚鬢百千莖

題馬跡山

僧文鑒

瀛洲西望沃洲山在平湖縹緲間常說使君千里
馬至今龍跡尚堪攀

漢御史乘竹馬歸山

題武烈廟

江南道士任右元

松竹蕭蕭野笛悲
宋寥永雪對旌旗
前山月夜陰風
起袖去神來人不知

重修毗陵志卷第二十二